

**LINANGKOB NGA HISGOTANAN:
SI NOE, DANIEL, UG JOB—MGA SUMBANAN SA PAGKINABUHI
SA MADAOGONG KINABUHI DIHA SA LINYA SA KINABUHI
ARON MATUMAN ANG PAMATIGAYON SA DIOS**

**Mahinungdanong Mga Pamahayag alang sa
2026 International Chinese-speaking Conference**

**Gipadayag sa Job nga ang Biblia nga dunay 66 ka basahon
alang ra sa usa ka butang: nga ipaambit sa Dios ang Iyang Kaugalingon
diha ni Cristo pinaagi sa Espiritu nganhi nato aron mahimong atong kinabuhi,
kinaiya, ug tanan aron ikinabuhi ug ipadayag nato si Cristo;
kini gyod unta ang prinsipyong modumala sa atong kinabuhi.**

**Nituo si Noe sa Dios, naglakaw kuyog sa Dios, nagpahimuot sa Dios,
ug nagpahimulos sa tanang pagkamao sa Dios.**

**Ang hiniusang Cristo nga mao ang bato ug ang bukid,
ang Pamanhonon uban sa Iyang pangasaw-onon,
ang hiniusang tawo sa Dios nga naay gininhawa Niya,
modugmok ug mopatay ni Anticristo
ug sa iyang mga kasundalohan
pinaagi sa gininhawa, sa espada, sa Iyang baba.**

**Diha ni Cristo naumol ang Dios nganha sa tawo,
naumol ang tawo ngadto sa Dios,
ug nasagol pag-usa ang Dios ug ang tawo aron mahimong usa ka persona,
nga ginganlag Dios-tawo.**

**Mga Talamdan sa Mga Mensahe
alang sa International Chinese-speaking Conference
Pebrero 13-15, 2026**

**LINANGKOB NGA HISGOTANAN:
SI NOE, DANIEL, UG JOB—MGA SUMBANAN SA PAGKINABUHI
SA MADAOGONG KINABUHI DIHA SA LINYA SA KINABUHI
ARON MATUMAN ANG PAMATIGAYON SA DIOS**

Mensahe 1

**Magkinabuhi ug Magbuhat segun sa Panan-awon sa Panahon
aron Mausab ang Panahon**

Basahong Kasulatan: Ezeq. 14:14, 20; Gen. 6:8; Mat. 24:37-39;
Dan. 2:34-35; Job 42:5-6

- I. Mga sumbanan silang Noe, Daniel, ug Job nga nagpadayag unsaon nga makakinabuhi ta sa madaogong kinabuhi diha sa linya sa kinabuhi aron matuman ang pamatigayon sa Dios; pagkinabuhi ug pagbuhat kini segun sa panan-awon sa panahon aron mausab ang panahon—Ezeq. 14:14, 20; Gen. 2:9; Bug. 2:7; 22:1-2; Mat. 24:37-39, 45-51; Dan. 2:34-35; Buh. 26:19; 2 Tim. 4:8.**
- II. Ang kinabuhi nilang Noe, Daniel, ug Job nagpadayag sa Tulo-usang Dios nga nagpaambit sa Iyang Kaugalingon, nagbuhat sa Iyang Kaugalingon, nganha sa Iyang pinili ug tinubos nga katawhan aron matuman ang walay kataposang pamatigayon Niya; gisulat ang tibuok Biblia segun sa nagdumalang prinsipyo sa Tulo-usang Dios nga nagpaambit sa Iyang Kaugalingon nganhi nato aron makasinati, makapahimulos, ug makapadayag ta Niya aron matuman ang diosnong pamatigayon Niya—itandi sa 1 Tim. 1:3-4; Efe. 3:2; 1 Ped. 4:10; Sal. 36:8-9; 2 Cor. 13:14; Efe. 3:16-19:**
 - A. Diha ni Noe makita nato ang Dios Amahan sa Iyang pagkamatinumanon sa pagtuman sa Iyang walay kataposang pakigsaad (nga gitiman-an sa bangaw), nga mao ang walay kataposang pamatigayon Niya nga ipaambit ang malangkobon-sa-tanan nga Cristo ngadto sa Iyang piniling katawhan isip pagkamatarong, pagkabalaan, ug himaya aron himoon silang maalamong pasundayag sa tanang pagkamao ni Cristo—Gen. 3:24; 9:8-17; Ezeq. 1:26-28; 36:22-38; Mat. 26:28; Heb. 8:8-12; 1 Cor. 1:9, 24-30; 2:9-10; Efe. 2:10; 5:25-27; Bug. 4:3; 21:18-20.
 - B. Diha ni Daniel makita nato nga si Cristo nga Anak maoy sentro ug paglukop sa lihok sa Dios ug nga ang tumong sa walay kataposang pamatigayon sa Dios mao ang pagkabaton sa hiniusang Cristo, si Cristo uban sa Iyang mga mananaog, nga batong modugmok nga mahimong iya-sa-dispensasyong instrumento Niya nga motapos ning panahona ug mahimong dakong bukid nga molukop sa tibuok yuta, maghimo sa tibuok yuta nga gingharian sa Dios—Dan. 2:31-45; 7:13-14; 10:4-9; Joel 3:11; Bug. 12:1-2, 5, 11; 19:7-21.
 - C. Diha ni Job makita nato ang Dios Espiritu nga nagpasinati sa mga nahigugma Niya sa kahikayan sa pagtransporma pinaagi sa pagbag-o sa Espiritu Santo sa pagkakita nila sa Dios aron mabatonan nila Siya ug matransporma sila sa Dios aron matuman ang naa sa kasingkasing sa Dios sa pagkahimo nilang Dios sa kinabuhi, kinaiya, ug panagway apan dili sa ranggo sa pagka-Dios aron hini-

usang mapadayag ang Dios, ang himaya sa Dios—Job 10:13; 42:5-6; Efe. 3:9; Mat. 5:8; 2 Cor. 3:16-18; Tito 3:5; 1 Cor. 10:31; Efe. 3:20-21; Bug. 21:10-11.

III. “Apan nakakaplag si Noe og kahimuot [grasya] sa panan-aw ni Jehova”—Gen. 6:8:

- A. Nagpadayag ang kinabuhi ug buhat ni Noe unsa kadako ang mabuhay sa grasya alang sa hulog nga mga tawo; ang grasya mao ang kahibulongang Cristo nga tigpas-an sa atong kabug-at, nga nagbuhay sa tanan sa sulod nato alang nato aron makapahimulos ta—vv. 1-14; Mat. 24:37-39; 2 Cor. 12:7-9:
 - 1. Ang unod mao ang presensya sa yawa, ug ang grasya mao ang presensya sa Dios; aron makaatubang ta sa presensya ni Satanas, nagkinahanglan ta sa presensya sa Dios—Gen. 6:3, 8; Rom. 7:17-21; Heb. 4:16; 1 Cor. 15:10
 - 2. Ang lugwa sa grasya mao ang pagkamatarong; pinaagi sa gahom sa grasya, sa kusog sa grasya, ug sa kinabuhi sa grasya, mahusto ta tali sa Dios, sa usag usa, ug bisan ngani sa atong kaugalingon—Rom. 5:17, 21; 2 Ped. 2:5.
- B. Naglakaw si Noe kuyog sa Dios ug nagtukod sa arka aron matuman ang dios-nong pamatigayon—Gen. 6:8-22; Heb. 11:7; 1 Ped. 3:20-21; Mat. 16:18:
 - 1. Ang unang gitukod sa Dios sa Kasulatan mao ang arka ni Noe, nga nagtimaan ni Cristo nga tinukod sa Dios ug tawo; Dios-tawo ang gitukod sa Dios—Juan 1:14; 2:19; 1 Cor. 3:9, 16-17; Bug. 21:2, 22; Efe. 2:22; Sal. 27:4.
 - 2. Naghulagway ang pagtukod sa arka sa pagtukod sa hiniyang Cristo, sa iglesia nga Lawas ni Cristo, pinaagi sa elemento sa kadato ni Cristo isip materyal nga igtukod—Mat. 16:18; 1 Cor. 3:9-12a; Efe. 3:8-10; 4:12.
 - 3. Nagtimaan sa Tulo-usang Dios segun sa pagsinati nato Niya ang tulo ka andana sa arka: gidala ta sa Espiritu, nga gitiman-an sa ubos nga andana, ngadto sa Anak (1 Ped. 1:2; Juan 16:8, 13-15), ug gidala ta sa Anak nga mosaka sa kasinatian nato, ngadto sa Amahan (14:6; Efe. 2:18; 1 Juan 1:5; 4:8).
 - 4. Sa ikatulong andana sa arka usa ray bintana, nga paingon sa mga langit, nagtimaan nga sa iglesia, sa balay sa Dios, usa ra ang pinadayag ug usa ra ang panan-awon pinaagi sa usa ka pagpangalagad sa Bag-ong Tugon—Gen. 6:16; Buh. 26:19; Prov. 29:18a; 1 Tim. 1:3-4; 2 Cor. 3:6-9; 4:1.

IV. Gipakita sa Daniel nga bawion gyod nato ang atong panahon aron magpahimulos ni Cristo nga hilabihang pagkabililhon sa Dios aron maumolan ta Niya ug mahimong tawo sa pagkabililhon, ang pagkabililhon mismo man ngani, nga kaugalingong bahandi Niya—Dan. 9:23; 10:11, 19; 1 Ped. 2:7; Exo. 19:4-6:

- A. Nagpakita ni Daniel ang maayo kaayong Cristo sa hilabihang pagkabililhon Niya ingon nga tawo aron makadayeg siya, mahupay, madasig, molaom, ug malig-on—Dan. 10:4-9:
 - 1. Nagpakita si Cristo ingon nga Sacerdote diha sa Iyang pagka-tawo, nga gitiman-an sa kupo nga lino, aron mangatiman sa piniling katawhan Niya sa pagkabihag nila—v. 5a; Exo. 28:31-35.
 - 2. Nagpakita si Cristo sa Iyang pagkahari diha sa Iyang pagkadios, nga gitiman-an sa bakos nga bulawan, aron magbuot sa tanang katawhan—Dan. 10:5b.
 - 3. Aron madayeg Siya sa Iyang katawhan, nagpakita si Cristo diha sa Iyang pagkabililhon ug pagkahalangdon, ingon sa gitiman-an sa Iyang lawas nga sama sa berilo; ang Hebreohanong pulong alang sa *berilo* mahimong nagpasabot sa asulon-nga-berde o dalag nga bililhong bato, nga nagtimaan nga

sa pagkalawas ni Cristo diosnon (dalag) Siya, puno sa kinabuhi (berde), ug langitnon (asul)—v. 6a.

4. Nagpakita sab si Cristo diha sa Iyang kasanag aron maghayag sa katawhan, ingon sa gitiman-an sa Iyang nawong nga sama sa hitsura sa kilat (v. 6b), ug sa naghayag nga igtan-aw Niya aron magsusi ug maghukom, ingon sa gitiman-an sa Iyang mga mata nga sama sa mga sulo sa kalayo (v. 6c).
 5. Nagpakita si Cristo diha sa silaw sa Iyang buhat ug lihok, ingon sa gitiman-an sa Iyang mga bukton ug mga tiil nga sama sa silaw sa pinasinaw nga tumbaga—v. 6d.
 6. Nagpakita si Cristo diha sa kusganong pagpamulong Niya aron maghukom sa katawhan, ingon sa gitiman-an sa tingog sa Iyang mga pulong nga sama sa tingog sa panon sa katawhan—v. 6e.
- B. Nadawat ni Daniel ang pinadayag nga gibut-an sa mga langit pinaagi sa Dios sa mga langit ang tibuok sitwasyon sa kalibotan aron mag-una sa tanan si Cristo—2:34-35, 44-45; 7:9-10; 4:34-35; Col. 1:15, 17-18; Bug. 2:4-5.

V. “Unya nitubag si Jehova ni Job” (Job 38:1a); “unya nitubag si Job ni Jehova” (42:1a); “ug gikambyo ni Jehova ang pagkabinihag ni Job” (v. 10a):

- A. Ang pangatarongan sa mga higala ni Job segun man sa linya sa kahoy sa kahi-balo sa maayo ug daotan sa paghunahuna nila nga may kalabotan sa paghukom sa Dios ang mga pag-antos ni Job; apan pag-ut-ot sa Dios ang mga pag-antos ni Job aron mabatonan siya sa Dios ug labi pa niyang mabatonan ang Dios—9:15; 11:12; 13:4; Fil. 3:8, 12-13:
1. Tuyo sa Dios nga pukanon ang natural nga Job diha sa iyang pagkahingpit ug katul-id aron matukod Niya ang nabag-o na nga Job diha sa kinaiya ug mga kaayo sa Dios—Job 1:1; Tito 3:5.
 2. Tuyo sa Dios nga madala si Job sa mas lalom nga pagtinguha sa Dios, aron makaila si Job nga ang nakulang niya sa tawhanon niyang kinabuhi mao ang Dios mismo ug aron mopursigir siya sa Dios, makabaton sa Dios, ug magpadayag sa Dios—Col. 2:19.
 3. Tuyo sa Dios nga makabaton og Job nga naa sa linya sa kahoy sa kinabuhi ug himoon si Job nga tawo sa Dios—Gen. 2:9; 1 Tim. 6:11; 2 Tim. 3:17; Efe. 3:14-21.
- B. Gipadayag sa Job nga ang Biblia nga dunay 66 ka basahon alang ra sa usa ka butang: nga ipaambit sa Dios ang Iyang Kaugalingon diha ni Cristo pinaagi sa Espiritu nganhi nato aron mahimong atong kinabuhi, kinaiya, ug tanan aron ikinabuhi ug ipadayag nato si Cristo; kini gyod unta ang prinsipyong modumala sa atong kinabuhi—Job 10:13; Efe. 3:9; Fil. 3:8-9; Efe. 1:22-23; 2:15; Bug. 21:2.
- C. Ang paagi sa pagkinabuhi ug pagbuhat niining prinsipyoha mao ang pagkaanaa ug pagbuhat nato sa tanan pinaagi sa Espiritu, uban sa Espiritu, diha sa Espiritu, ug gumikan sa Espiritu sa paggamit nato sa atong espiritu—Gal. 5:25; Rom. 8:4; Fil. 3:3; Bug. 2:7; 22:17a.

**Ang Linya sa Kinabuhi diha ni Noe—
ang Kinabuhi ug Buhat Nga Mag-usab sa Panahon**

Basahong Kasulatan: Gen. 6:5-14; Heb. 11:7

I. Nituo si Noe sa Dios, naglakaw kuyog sa Dios, nagpahimuot sa Dios, ug nagpahimulos sa tanang pagkamao sa Dios:

- A. Gidaot na ni Satanas ang tawo sa hingpit gyod, ug nakahukom ang Dios nga laglagon ang tawong gilalang Niya alang sa Iyang tuyo.
- B. Sa ingon niana, morag napildi ang Dios; *apan...si Noe* nagpakita sa pagkamagbubuot nga naghatag sa Dios og paagi nga makapadayon Siya sa pagbuhat sa tuyo Niya sa sinugdan kalabot sa tawo.
- C. Pinaagi sa kinabuhi ug buhat ni Noe nakadaog ang Dios sa Iyang kaaway ug nakausab sa panahon.

II. Ang kinabuhi ni Noe kinabuhi mang nakausab sa panahon—itandi sa Fil. 1:19-21a:

- A. Ang kinabuhing mag-usab sa panahon kinabuhi mang manunod sa diosnong ginawian sa mga amahan:
 - 1. Napanunod ni Noe ang paagi ni Adam sa kaluwasan, nadawat niya ang saad ni Cristo nga kaliwat sa babaye ug ang pagtabon ni Cristo isip pagkamatarong nga nagtagbaw-sa-Dios—Gen. 3:15, 20-21; itandi sa Isa. 12:2.
 - 2. Napanunod ni Noe ang hinalaran ni Abel, nga mao ang paghalad kang Cristo sa Dios, dili lang isip halad-inihaw alang sa atong mga sala, kondili gasa sab nga makapahimuot sa Dios—Gen. 4:4.
 - 3. Napanunod ni Noe ang tinawagan ni Enos sa ngalan ni Jehova aron makapahimulos sa tanan Niyang pagkamao—v. 26; Jer. 33:3; Rom. 10:12; 2 Tim. 2:22.
 - 4. Napanunod ni Noe ang paagi ni Enoch sa paglakaw kuyog sa Dios, nga mao ang paghimo nato sa Dios nga sentro ug tanan nato, magkinabuhi ug magbuhat sa tanang butang sumala sa Dios ug uban sa Dios—Gen. 5:22-24; Heb. 11:5-6; 2 Cor. 5:4, 9, 14-16; 6:1.
- B. Gipakita sa Dios kang Noe ang tinuod nga sitwasyon sa nadaot nga panahon nga gipuy-an niya—Gen. 6:3, 5, 11, 13; Mat. 24:37-39; 2 Tim. 3:1-5.
- C. “*Apan* nakakaplag *si Noe* og kahimuot [grasya] sa panan-aw ni Jehova”—Gen. 6:8:
 - 1. Sa nabuhat na ni Satanas ang tanan niyang mahimo sa pagdaot sa sitwasyon, duna gyoy tawo nga nakakaplag og grasya sa panan-aw sa Dios ug maoy nag-usab sa panahon—itandi sa Dan. 1:8; 9:23; 10:11, 19.
 - 2. Dili ulohanong tuyo sa rekord sa Genesis nga magpakita kanato sa pagkahulog, kondili sa kadako sa mahimo sa grasya sa Dios alang sa hulog nga mga tawo:
 - a. Ang grasya mao ang Dios mismo, ang presensya sa Dios, nga napahimuslan nato aron mahimong tanan nato ug magbuhat sa tanan sa sulod nato, pinaagi nato, ug alang nato—Juan 1:14, 16-17; Bug. 22:21.
 - b. Ang pagpahimulos sa Ginoo nga grasya maanaa sa mga nahigugma Niya—Efe. 6:24; Juan 21:15-17.
 - c. Mapahimuslan nato ang grasya ni Ginoong Jesucristo isip madagayaang sangkap sa Tulo-usang Dios pinaagi sa paggamit sa atong tawhanong espiritu—Heb. 10:29b; Gal. 6:18; Fil. 4:23; Filem. 25; 2 Tim. 4:22.

- d. Ang pulong sa Dios mao ang pulong sa grasya—Buh. 20:32; Col. 3:16; itandi sa Jer. 15:16.
- e. Masinati nato ang nahikay nga Tulo-usang Dios ingon nga grasya sa kinabuhi sa pagtigom nato uban sa mga balaan sa sukaranan sa pagkausa—Sal. 133:3; 1 Ped. 3:7; Buh. 4:33; 11:23.
- f. Makasinati ta sa Ginoo isip nagkadako ug igo-sa-tanan nga grasya nato taliwala sa mga pag-antos ug mga pagsulay—2 Cor. 12:9.
- g. Mangabudlay gyod ta alang sa Ginoo diha sa gahom sa Iyang grasya—1 Cor. 15:10, 58; 3:12.
- h. Mahimo gyod tang maayong mga pinayalan sa nagkadaiyang grasya sa Dios—1 Ped. 4:10; Efe. 3:2; 2 Cor. 1:15; Efe. 4:29.
- i. Pinaagi sa gahom sa grasya, sa kusog sa grasya, ug sa kinabuhi sa grasya, mahusto ta tali sa Dios ug sa usag usa; magpalugwag pagkamatarong ang grasya—Heb. 11:7; Rom. 5:17, 21.

III. Ang buhat ni Noe buhat man nga nag-usab sa panahon—1 Cor. 3:9; 2 Cor. 6:1; Mat. 16:18; 1 Cor. 3:12:

- A. Gihatagan sa Dios si Noe og malangkobon-sa-tanan nga pinadayag, dugang pa nga pinadayag, ang pinadayag sa pagtukod sa arka, nga mao ang paagi sa pagtapos sa Dios sa madunotong kaliwatan ug pagpadangat sa bag-ong panahon:
 - 1. Hulagway ni Cristo ang arka (1 Ped. 3:20-21)—dili lang sa tinagsang Cristo kondili sa hiniusang Cristo sab, sa iglesia, nga mao ang Lawas ni Cristo ug ang bag-ong tawo nga mahingpit sa Bag-ong Jerusalem (Mat. 16:18; 1 Cor. 12:12; Efe. 2:15-16; Col. 3:10-11; Bug. 21:2).
 - 2. Naghulagway ang pagtukod sa arka sa pagtukod sa hiniusang Cristo sa mga nagbuhat uban sa Dios pinaagi sa elemento sa kadato ni Cristo isip materyal nga igtukod—1 Cor. 3:9-12a; Efe. 4:12; 2:22.
 - 3. Kining pagtukora mao ang pagbuhat ni Cristo diha sa mga tawo aron tukoron sila pag-usa ni Cristo para mahimo silang pagpadayag sa Dios diha sa unod—1 Tim. 3:15-16:
 - a. Ang labing mahinungdanong punto sa buhat nato mao ang pagpangalagad nato sa nagtukod ug natukod nga Dios ngadto sa uban aron matukod sa Tulo-usang Dios ang Iyang Kaugalingon nganha sa ilang pagkatawo—Mat. 16:18; Efe. 2:21-22; 3:17a; 1 Cor. 14:4b.
 - b. Batasanon gyod nato ang usa ka butang—ipangalagad ang nahikay ug nahingpit nga Tulo-usang Dios ngadto sa uban aron matukod Niya ang Iyang Kaugalingon nganha sa tawo nila sa sulod; moampo gyod ta nga tudloan ta sa Ginoo nga mobuhat sa ingon niini—2 Cor. 13:14; 1 Cor. 3:9a, 10, 12; Rom. 11:36.
- B. Sa pagtukod nato sa iglesia ug pagsulod nato sa iglesiahonong kinabuhi, malumas ta sa paghukom sa Dios sa daotang kaliwatan karon pinaagi sa dakong kasakitan ug magahin gikan nianang kaliwatana ug makasulod sa bag-ong panahon, sa panahon sa millennium—Heb. 11:7; Mat. 24:37-39; Luc. 17:26-27.

**Ang Pagdaog sa Mga Mananaog nga Makita diha ni Daniel
ug sa Iyang Mga Kauban**

Basahong Kasulatan: Dan. 1—6

I. Makita ang prinsipyo sa pahiuili sa Ginoo diha ni “Daniel ug sa iyang mga kauban” (si Ananias, si Misael, ug si Azarias), nga mga mananaog nga bug-os nga nausa sa Dios sa pagdaog nila batok sa mga laraw ni Satanas—Dan. 2:13, 17; itandi sa Bug. 17:14; Mat. 22:14:

- A. Sa yawan-ong pagtintal ni Nabucodonosor ni Daniel ug sa iyang mga kauban, giusab niya ang ilang mga ngalan, nga nagpakita nga iya sila sa Dios, ngadto sa mga ngalang nag-usa nila sa mga diosdios—Dan. 1:6-7.
- B. Ang ngalang Daniel, nga nagpasabot og “ang Dios akong Maghuhukom,” giusab og Beltesazar, nga nagpasabot og “ang prinsipe ni Bel,” o “ang paborito ni Bel”—Isa. 46:1.
- C. Ang ngalang Ananias, nga nagpasabot og “puno-sa-grasyang naghatag si Jah,” o “gipaboran ni Jah,” giusab og Shadrach, nga nagpasabot og “gihayagan sa dios nga Adlaw.”
- D. Ang ngalang Misael, nga nagpasabot og “Kinsa man ang unsa ang Dios?” giusab og Mesach, nga nagpasabot og “Kinsay masama sa diosa nga si Shach?”
- E. Ang ngalang Azarias, nga nagpasabot og “nitabang si Jah,” giusab og Abed-nego, nga nagpasabot og “ang matinumanong sulugoon sa dios nga kalayo nga si Nego.”

II. Nagmadaogon si Daniel ug ang iyang mga kauban batok sa demonyohanong kalan-on—Dan. 1:

- A. Ang yawan-ong pagtintal ni Nabucodonosor una paghaylo man sa upat ka hait-og-salabotan nga batan-ong kaliwat sa napilding mga pinili sa Dios, ni Daniel ug sa tulo ka kauban niya, aron mahugawan pinaagi sa pagkaon sa hugaw nga kalan-on niya, kalan-on nga gihalad sa mga diosdios.
- B. Kon nikaon pa si Daniel ug ang iyang mga kauban nianang kalan-ona makaon unta nila ang kahugaw, mapasulod ang mga diosdios, ug sa ingon niana mausa ni Satanas—itandi sa 1 Cor. 10:19-21.
- C. Sa pagdumili ni Daniel ug sa iyang mga kauban sa pagkaon sa hugaw nga kalan-on ni Nabucodonosor ug nipili hinuon nga mokaon og mga utanon (Dan. 1:8-16), sa prinsipyo gisalikway nila ang kahoy sa kahibalo sa maayo ug daotan (itandi sa Gen. 3:1-6) ug gikaon ang kahoy sa kinabuhi, nga nakapausa nila sa Dios (itandi sa 2:9, 16-17).
- D. Ang pahiuili sa Ginoo pagpahiuili man sa pagkaon nato ni Jesus aron matukod ang iglesia—vv. 9, 16-17; Bug. 2:7, 17; 3:20.
- E. Makaon nato si Jesus sa pagkaon nato sa Iyang mga pulong ug sa pagbantay nga mokontak ug makig-uban sa mga nagtawag Niya gikan sa putling kasing-kasing—Jer. 15:16; 2 Tim. 2:22; 1 Cor. 15:33; Prov. 13:20.

III. Nagmadaogon si Daniel ug ang iyang mga kauban batok sa yawan-ong pagbuta nga nag-ulang sa mga tawo aron dili sila makakita sa dakong larawan sa tawo ug sa batong modugmok ingon nga diosnong kasaysayan sulod sa tawhanong kasaysayan—Dan. 2:

- A. Ang hiniusang Cristo nga mao ang bato ug ang bukid, ang Pamanhonon uban sa Iyang pangasaw-onon, ang hiniusang tawo sa Dios nga naay gininhawa Niya, modugmok ug mopatay ni Anticristo ug sa iyang mga kasundalohan pinaagi sa gininhawa, sa espada, sa Iyang baba—vv. 34-35, 44-45; 2 Tes. 2:8; Bug. 19:11-21; Gen. 11:4-9; itandi sa Isa. 33:22.
- B. Si Cristo, nga buhi ug bililhong bato, ang batong patukoranan, bato sa pamagang, ug ulohang bato sa pagtukod sa Dios, mopatuhop sa Iyang Kaugalingon kanato ingon nga pagkabililhon aron matransporma ta ug mahimong buhi ug bililhong mga bato alang sa Iyang pagtukod—1 Ped. 2:4-8; Isa. 28:16; Zac. 3:9; 4:7, 9-10.

IV. Nagmadaogon si Daniel ug ang iyang mga kauban batok sa pagtintal sa pagsimbag diosdios—Dan. 3; itandi sa Mat. 4:9-10:

- A. Bisan unsa nga dili ang tinuod nga Dios diha sa gipanganak pag-usab nga espiritu nato diosdios man nga nakapul Niya; diosdios ang bisan unsang wala sa espiritu o iya sa espiritu—1 Juan 5:21.
- B. Ang kaaway sa Lawas mao ang kaugalingon nga nipuli sa Dios sa pagtinguha-sa-kaugalingon, pagtuboy-sa-kaugalingon, paghimaya-sa-kaugalingon, pagpatahom-sa-kaugalingon, ug kusog-sa-kaugalingon; diha ug alang sa Lawas dumilian nato ang kaugalingon ug dili isangyaw ang atong kaugalingon kondili si Cristo Jesus nga Ginoo—Mat. 16:24; 2 Cor. 4:5.
- C. Dunay tinuod nga espiritu sa pagkamartir ang mga kauban ni Daniel; nibarog sila alang sa Ginoo nga bugtong-talagsaong Dios ug batok sa pagsimbag diosdios bugti sa ilang kinabuhi, gitambog sa hudno nga nagdilaab sa sugo ni Nabucodonosor—Dan. 3:19-23.
- D. Sa pagtan-aw ni Nabucodonosor sa hudno, nakita niya ang upat ka tawo nga nanglakaw sa taliwala sa kalayo (vv. 24-25); ang ikaupat mao ang maayo kayong Cristo nga Anak sa Tawo, nga niabot aron mag-uban sa tulo Niya ka mananaog nga nag-antos ug gilutos ug aron himoong dapit nga hayahay lakaw-lakawan ang kalayo.
- E. Dili na mohangyo pa sa Dios ang tulo ka mananaog nga luwason sila gikan sa hudno (itandi sa v. 17); niabot si Cristo nga Anak sa Tawo—ang angayan ug makahimo sa pagsimpatiya sa katawhan sa Dios sa tanang butang (Heb. 4:15-16)—aron mahimong Kauban nila ug mangatiman nila sa ilang pag-antos, pinaagi sa Iyang presensya gihimong hayahay nga sitwasyon ang dapit nila sa pag-antos.

V. Nagmadaogon si Daniel ug ang iyang mga kauban batok sa pagtabon nga nag-ulang sa mga tawo aron dili sila makakita sa pagbuot sa mga langit sa Dios sa mga langit—Dan. 4:

- A. Isip mga pinili sa Dios aron mahimong katawhan Niya alang sa pagkauna-sa-tanan ni Cristo, naa ta sa langitnong pagbuot sa Dios sa tuyo nga himoong una-sa-tanan si Cristo—vv. 18, 23-26, 30-32; Rom. 8:28-29; Col. 1:18b; 2 Cor. 10:13, 18; Jer. 9:23-24.
- B. “Makahimo Siya sa pagpaubos sa mga naggawi nga mapagarbohon”—Dan. 4:37b.

VI. Nagmadaogon si Daniel ug ang iyang mga kauban batok sa pagkawalay-alamag kalabot sa resulta sa pagpatuyang sa kahalayan atubangan sa Dios ug sa pagtamay sa Iyang pagkabalaan—cap. 5:

- A. Ang pagkuha ni Belsazar sa mga sudlanan nga alang sa pagsimba sa Dios sa balaang templo Niya sa Jerusalem ug paggamit niini sa pagsimbag mga dios-

dios insulto man sa pagkabalaan sa Dios (v. 4); nakat-on gyod unta siya sa pagtulon-an gikan sa kasinatian ni Nabucodonosor (4:18-37); apan, wala siya makat-on niini ug tungod niana nag-antos siya (5:18, 20, 24-31).

- B. “Ang maayo kaayong espiritu ug kahibalo ug sulodnong pagpanabot ug ang paghubad sa mga damgo, ang pagpahayag sa mga tanghaga, ug ang pagsulbad sa mga problema [sa linetra, mga bugkos] napalغان diha ning Daniel”—v. 12a.
- C. “Ikaw..., Belsazar, wala magpaubos sa imong kasingkasing, bisan nasayod ka ning tanan; gituboy hinuon nimo ang imong kaugalingon batok sa Ginoo sa mga langit; ug gidala nila ang mga sudlanan sa Iyang balay sa imong atubangan, ug niinom ka ug ang imong mga punoan, ang imong mga asawa, ug ang imong mga puyopuyo og bino gikan niini; ug gidayeg mo ang mga dios nga salapi ug bulawan, tumbaga, puthaw, kahoy, ug bato, nga dili makakita o makadungog o makahibalo. Apan wala mo pasidunggi ang Dios nga sa kamot Niya naa ang imong gininhawa ug ang tanan mong mga gawi”—vv. 22-23, itandi sa v. 20.

VII. Nagmadaogon si Daniel ug ang iyang mga kauban batok sa pagkamalalangon nga nagdili sa pagkamatinumanon sa mga mananaog sa pagsimba sa Dios—cap. 6:

- A. Ang sentro sa Daniel 6 mao ang pag-ampo sa tawo aron matuman ang pamatigayon sa Dios; nagsalig si Daniel sa pag-ampo aron makabuhat sa dili mabuhat sa tawo ug makasabot sa dili masabtan sa tawo; walay laing paagi nga mahingpit ug matuman ang pamatigayon sa Dios kondili ang pag-ampo ra; kini ang naa-sa-sulod nga sekreto ning capituloha.
- B. Nag-ampo si Daniel makatulo sa matag adlaw nga inablihan ang iyang mga bintana paatubang sa Jerusalem; tungod sa puno-sa-grasyang pag-ampo niya gidalag balik sa Dios ang Israel sa yuta sa ilang mga amahan (v. 10; itandi sa 1 Hari 19:12, 18); mamati ang Dios sa atong pag-ampo kon ipatumong nato ni Cristo (nga gihulagwayan sa Balaang Yuta), sa gingharian sa Dios (nga gihulagwayan sa balaang syudad), ug sa balay sa Dios (nga gihulagwayan sa balaang templo) nga tumong sa walay kataposang pamatigayon Niya ang pag-ampo nato sa Dios—8:48-49.

Si Job ug ang Duha ka Kahoy

Basahong Kasulatan: Gen. 2:9, 17; Bug. 22:1-2, 14; Job 1:1; 2:3; 42:1-6

I. Sa diosnong pinadayag dunay duha ka kahoy, duha ka tinubdan, duha ka dalan, duha ka prinsipyo, ug duha ka kahingpitan:

A. Duha ka kahoy:

1. Nagtimaan ang kahoy sa kinabuhi sa Tulo-usang Dios nga kinabuhi sa tawo sa iyang relasyon Kaniya—Gen. 2:9; Sal. 36:9a.
2. Nagtimaan ang kahoy sa kahibalo sa maayo ug daotan ni Satanas, sa yawa, sa daotan, nga kamatayon sa tawo sa nahulog siya atubangan sa Dios—Gen. 2:17.

B. Duha ka tinubdan:

1. Ang kahoy sa kinabuhi mao ang tinubdan sa mga tawong nagtinguha sa Dios nga kinabuhi aron mosangkap ug mapahimuslan nila—Juan 1:4; 15:1.
2. Ang kahoy sa kahibalo sa maayo ug daotan mao ang tinubdan sa mga tawong nisunod ni Satanas nga mohilo nila ngadto sa kamatayon ug walay kataposang pagkalaglag—8:44.
3. Ang resulta ning duha ka tinubdan mao ang duha ka gingharian—ang gingharian sa Dios ug ang gingharian ni Satanas—Mat. 21:43; 12:26; Col. 1:13.

C. Duha ka dalan:

1. Ang unang dalan mao ang dalan sa kinabuhi, ang sigpit nga dalan, aron magtinguha ang tawo sa Dios, makabaton sa Dios, ug makapahimulos sa Dios diha sa walay kataposang kinabuhi Niya ingon nga sangkap—Mat. 7:14; Buh. 9:2; 16:17; 18:25-26; 2 Ped. 2:15, 21.
2. Ang ikaduhang dalan mao ang dalan sa kamatayon ug sa maayo ug daotan, ang sangkad nga dalan, aron mosunod ang mga tawo ni Satanas ug mahimong mga anak niya—Mat. 7:13; 1 Juan 3:10a.

D. Duha ka prinsipyo:

1. Ang unang prinsipyo mao ang prinsipyo sa kinabuhi—ang prinsipyo sa pagsalig sa Dios—Juan 15:5; Gen. 4:4.
2. Ang ikaduhang prinsipyo mao ang prinsipyo sa kamatayon ug sa maayo ug daotan—ang prinsipyo sa dili pagsalig sa Dios—Jer. 17:5-6; Gen. 4:3.

E. Ang duha ka kahingpitan mao ang kataposang sangpotanan sa duha ka dalan nga gipili sa mga tawo sa relasyon nila sa Dios:

1. Ang kahingpitan sa dalan sa kinabuhi sa Dios mao ang syudad sa tubig sa kinabuhi, ang Bag-ong Jerusalem—Bug. 21:2, 10-11; 22:1-2.
2. Ang kahingpitan sa dalan sa kamatayon ug sa maayo ug daotan mao ang linawng kalayo—19:20; 20:10, 14-15; 21:8.

II. Dili tuyo sa Dios nga makabaton og Job nga naa sa linya sa kahoy sa kahibalo sa maayo ug daotan kondili Job nga naa sa linya sa kahoy sa kinabuhi:

- A. Ang pagpangatarongan ni Job ug sa iyang mga higala sumala man sa linya sa kahoy sa kahibalo sa maayo ug daotan—Job 2:11—32:1.
- B. Si Job, sama sa iyang mga higala, nahunong diha sa kahibalo sa husto ug sayop, wala makaila sa pamatigayon sa Dios—4:7-8.
- C. Naa sa ginsakpan sa kahoy sa kahibalo sa maayo ug daotan si Job ug ang iyang mga higala; naningkamot ang Dios sa pagluwas kanila gikan nianang

ginsakpana ug gibutang sila ngadto sa ginsakpan sa kahoy sa kinabuhi—1:1; 2:3; 19:10.

- D. Ang tuyo sa Dios sa pagbatok kang Job pagbalhin man kaniya gikan sa dalan sa maayo ug daotan ngadto sa dalan sa kinabuhi aron hingpit gyod niyang mabatonan ang Dios—42:1-6.

III. Nagkinahanglan ta sa panan-awon sa kahoy sa kinabuhi—ang panan-awon sa Dios diha ni Cristo nga atong kalan-on—Gen. 2:9; Bug. 22:1-2, 14:

- A. Nagtimaan ang kahoy sa kinabuhi sa Tulo-usang Dios diha ni Cristo aron ipaambit ang Iyang Kaugalingon nganha sa piniling katawhan Niya nga kinabuhi ingog kalan-on—Gen. 2:9.
- B. Ang kahoy sa kinabuhi mao ang sentro sa uniberso:
 - 1. Segun sa tuyo sa Dios, ang yuta mao ang sentro sa uniberso, ang tanaman sa Eden mao ang sentro sa yuta, ug ang kahoy sa kinabuhi mao ang sentro sa tanaman sa Eden; busa, nasentro ang uniberso sa kahoy sa kinabuhi.
 - 2. Wala gyoy mas sentro ug mahinungdanon sa Dios ug tawo kaysa kahoy sa kinabuhi—3:22; Bug. 22:14.
- C. Gipadayag sa Bag-ong Tugon nga si Cristo mao ang katumanan sa hulagway sa kahoy sa kinabuhi—Juan 1:4; 15:5.
- D. Ang tanang aspeto sa malangkobon-sa-tanan nga Cristo nga gipadayag sa Ebanghelyo ni Juan mao ang sangpotanan sa kahoy sa kinabuhi—6:48; 8:12; 10:11; 11:25; 14:6.
- E. Ang pagpahimulos sa kahoy sa kinabuhi mao ang walay kataposang pahat sa tanang tinubos sa Dios—Bug. 22:1-2, 14:
 - 1. Gituman sa kahoy sa kinabuhi hangtod sa eternidad ang gitinguha sa Dios alang sa tawo sukad pa sa sinugdan—Gen. 1:26; 2:9.
 - 2. Ang mga bunga sa kahoy sa kinabuhi maoy kalan-on sa mga tinubos sa Dios sa eternidad; kanunay gyong lunhaw kining mga bungaha, kay gipamunga man matag bulan—Bug. 22:2.

IV. Sa gipanganak ta pag-usab, gitanom ni Cristo ang Iyang Kaugalingon kanato nga kahoy sa kinabuhi—Juan 1:12-13; 3:3, 5-6, 15; 11:25; 15:1, 5:

- A. Sa praktikal nga pagkinabuhi nato, wala tingali ta sa linya sa kahoy sa kinabuhi kondili sa linya sa kahoy sa kahibalo sa maayo ug daotan—Prov. 16:25; 21:2.
- B. Dunay gitinguha si Job diha sa ginsakpan sa maayong pamatasan, apan kita, nga mga magtutuo ni Cristo, magtinguha gyod diha sa ginsakpan sa Dios—1 Cor. 15:28; Efe. 3:16-21.
- C. Sa adlaw-adlaw natong pagkinabuhi, dili gyod ta maanaa sa ginsakpan sa kahoy sa kahibalo sa maayo ug daotan kondili sa ginsakpan sa Espiritung taghatag-og-kinabuhi—1 Cor. 15:45b; Rom. 8:2.
- D. Tuyo sa Dios nga pukanon ug tukoron ta pag-usab sa Iyang Kaugalingon nga kinabuhi ug kinaiya nato aron mahimo tang mga tawo nga bug-os gyong nausa Niya—2 Cor. 1:9; 4:14.

Ang Tuyo sa Dios kang Job—Nga Mahimong Dios-tawo ang Maayong Tawo

Basahong Kasulatan: Job 1:1, 8; 2:3, 9; 27:5; 31:6; 42:5-6

I. Ang Biblia nga may 66 ka basahon alang ra sa usa ka butang—aron ikapaambit sa Dios ang Iyang Kaugalingon diha ni Cristo ingon nga Espiritu nganhi nato ug mahimong atong kinabuhi, kinaiya, ug tanan aron makinabuhi ug mapadayag nato si Cristo—Efe. 3:16-17a; Fil. 1:21a:

- A. Kini gyod unta ang prinsipyong magdumala sa atong kinabuhi—Juan 6:57.
- B. Kon praktikalon nato, kahoy sa kinabuhi kini karon nga mapahimuslan nato—Bug. 22:14.

II. Maayong tawo si Job, nga nagpadayag sa iyang kaugalingon diha sa iyang pagkahingpit, katul-id, ug kaligdong—Job 27:5; 31:6; 32:1:

- A. May kalabotan sa tawo sa sulod ang pagkahingpit, ug may kalabotan sa tawo sa gawas ang katul-id—1:1.
- B. Tawo sa kaligdong si Job; ang kaligdong maoy kinatibuk-an sa pagkahingpit ug katul-id—2:3, 9; 27:5; 31:6:
 - 1. Kalabot ni Job, ang kaligdong maoy kinatibuk-ang pagpadayag sa iyang pagkamao.
 - 2. Sa karakter hingpit ug tul-id si Job, ug sa pamatasan niya, habog siyag sukdan sa kaligdong.
- C. Positibong nahadlok si Job sa Dios ug negatibong nilikay sa daotan—1:1:
 - 1. Wala gilalang sa Dios ang tawo aron lang mahadlok Niya ug dili mobuhat og sayop; gilalang hinuon Niya ang tawo sa kaugalingon Niyang dagway ug ingon sa pagkasama Niya aron magpadayag sa Dios ang tawo—Gen. 1:26.
 - 2. Habog pa ang pagpadayag sa Dios kaysa pagkahadlok sa Dios ug paglikay sa daotan.
 - 3. Kakawangan gyod ang nakab-ot ni Job sa iyang pagkahingpit, katul-id, ug kaligdong; wala kini makatuman sa tuyo sa Dios o makatagbaw ba sa tinguha Niya, ug busa mahigugmaon Siyang nagtagad ni Job—Job 1:6-8; 2:1-3.
- D. Ang Dios ray nasayod nga dunay panginahanglan si Job—wala siyay Dios sa sulod niya; busa, buot sa Dios nga mabatonan Siya ni Job aron magpadayag Niya ug magtuman sa tuyo Niya—42:5-6.

III. Tuyo sa Dios nga mahimong Dios-tawo si Job, nga nagpadayag sa Dios diha sa Iyang mga kaayo—22:24-25; 38:1-3:

- A. Gidala sa Dios si Job sa laing ginsakpan, sa ginsakpan sa Dios, aron mabatonan ni Job ang Dios imbis ang mga nakab-ot niya sa iyang pagkahingpit, pagkamatarong, ug kaligdong—42:5-6.
- B. Ang tuyo sa Dios kang Job pag-ut-ot ug paghukas man kaniya sa iyang mga nakab-ot, sa iyang mga nahuman, sa kinahabogang sukdan sa pamatasan sa pagkahingpit ug katul-id—31:6.
- C. Tuyo sab sa Dios nga pukanon ang natural nga Job diha sa iyang pagkahingpit ug katul-id aron matukod Niya ang nabag-o na nga Job diha sa kinaiya ug mga kaayo sa Dios—1:6-8; 2:3-6.
- D. Tuyo sa Dios nga himoon si Job nga tawo sa Dios, nga napuno ni Cristo, nga pagkalawas sa Dios, aron mahimong kahupnganan sa Dios ug mapadayag ang Dios diha ni Cristo—1 Tim. 6:11; 2 Tim. 3:17.

- E. Gihimo sa Dios ang paghukas ug pag-ut-ot kang Job aron mapukan siya ug makabaton ang Dios og sukaranan ug paagi nga matukod siya pag-usab sa Dios mismo aron mahimo siyang Dios-tawo, nga sama sa Dios sa Iyang kinabuhi ug kinaiya apan dili sa ranggo Niya sa pagka-Dios, aron magpadayag sa Dios—Efe. 3:16-21.

IV. Diha ni Cristo naumol ang Dios nganha sa tawo, naumol ang tawo ngadto sa Dios, ug nasagol pag-usa ang Dios ug ang tawo aron mahimong usa ka persona, nga ginganlag Dios-tawo—Mat. 1:21, 23; Luc. 1:35; Tito 2:13; 1 Tim. 2:5:

- A. Ang daghang Dios-tawo, ang daghang anak sa Dios, mao ang pagdako, pagdaghan, hulad, ug sumpay ni Cristo, nga unang Dios-tawo—Juan 12:24; Heb. 2:10; Rom. 8:29.
- B. Ang Dios-tawo kana mang nakaambit sa kinabuhi ug kinaiya sa Dios, tungod niana nausa siya sa Dios sa Iyang kinabuhi ug kinaiya ug sa ingon niana nagpadayag Kaniya—Juan 3:15; 2 Ped. 1:4; 1 Cor. 6:17.
- C. Gipanganak sa Dios ang Dios-tawo aron mahimong anak sa Dios, nga dunay kinabuhi ug kinaiya sa Dios—Juan 1:12-13; 3:6:
1. Duha ang kinabuhi sa Dios-tawo, ang tawhanon ug diosnon, ug duha ka kinaiya, pagka-tawo ug pagkadios.
 2. Tawo-sa-kinabuhi ang Dios-tawo—1 Juan 5:11-13; Rom. 8:2, 6, 10-11.
 3. Tawo-nga-bulawan ang Dios-tawo—Exo. 25:11; 1 Ped. 1:7; Bug. 3:18; 21:18b.
- D. Naumolag Dios ang Dios-tawo, nga dunay Dios nga iyang kinabuhi, sangkap sa kinabuhi, ug tanan; busa, ang Dios-tawo tawo man apan Dios ug Dios apan tawo—Efe. 3:16-17a.
- E. Ang Dios-tawo mao ang bag-ong binuhat ug ang pagkamatarong sa Dios diha ni Cristo—2 Cor. 5:17, 21.
- F. Nahigugma ang Dios-tawo sa Ginoo sa tibuok niyang pagkatawo, sa ato pa, sa iyang kasingkasing, kalag, salabotan, ug kusog—Mar. 12:30.
- G. Wala magsalig sa unod ang Dios-tawo, nagdumili sa kaugalingon, ug nigamit sa iyang espiritu aron magkinabuhi ni Cristo—Fil. 3:3; Mat. 16:24; 1 Tim. 4:7; Fil. 1:21a.
- H. Tawo sa Dios ang Dios-tawo nga dunay pulong sa Dios, naghanggap sa gininhawa sa Dios—1 Tim. 6:11; 2 Tim. 3:16-17.
- I. Nakaamgo ang Dios-tawo nga dili siya tinagsang tawo kondili bahin siya sa hinusang Dios-tawo—ang Lawas ni Cristo, ang usang bag-ong tawo—1 Cor. 12:12-13; Efe. 4:16; Col. 3:10-11.